

廣信府同知鄒 潘

推官方 重校正

臨江府推官袁長馭

上饒縣學教諭余學申對讀

湖州府後學吳仕巨覆訂

紀錄彙編卷九終

紀錄彙編卷之十

諭對錄

張孚敬

諭內閣張元輔

今日午時


皇伯母令內官傳示云 皇伯母親至朕處為喜當

時朕即知 皇伯母意止以張延齡為逆耳朕差

內侍官往奏云適奉 皇伯母傳示親至姪處為

喜但恐上勞 慈降又姪今日以秋開講與先師

請 賜免降乃止又移刻復傳云明日仍行朕復



經國書局 NATIONAL CENTRAL LIBRARY, TAIWAN, R.O.C.

差人往奏云茲再奉 慈愛宜當承順人家生子  
此常事也豈敢上煩 慈躬親降如有 教示請  
傳來乃復止少頃復令內官持物到朕宮云

皇伯母說皇帝大喜事但張延齡事須將就朕聞  
命訖朕惟上古之時無此等事厥後漢唐宋以來篡  
位殺君者亦非一賊矣茲延齡也既爲朕


皇伯考懿親祇宜守分猶有餘乃包藏禍心謀爲不  
軌是何道也執法大臣貪賊背義且前日本至閣  
卿等亦未如法票上茲事甚大併所奉

皇伯母傳諭錄示卿等作速議處來聞

嘉靖十二年九月十一日

臣張孚敬謹 題伏蒙

皇上因張延齡事情以 昭聖皇太后傳諭併示臣  
等速議處來仰見 聖明仁之至義之盡也臣  
等伏思均蒙 皇上重託受 恩深重雖事之  
至小者亦當預聞盡心區處况此事所關至大  
至重敢不盡心前者擬票委未能悉萬罪萬罪  
臣等愚見欲候法司具招上 請乞 示臣等  
詳其情節如何然後容臣等各自陳所見恭候  
聖明裁斷務極天理之公人心之正庶幾上副



聖明委託之重今恐一時倉卒議處未當未敢輕率

上聞伏乞聖明亮察謹具題 知

嘉靖十二年九月十一日

臣張孚敬謹 奏本月十一日伏蒙

聖諭以 昭聖皇太后傳諭張延齡事情錄示臣等  
令作速議處來聞臣等捧誦無任悚懼戰慄之  
至緣法宮問擬尚未具招倉卒未敢輕議今日  
伏蒙 皇上以三法司會問招擬 示臣臣叅  
詳情節則張延齡殺人之罪自不可逃而謀逆  
罪狀法官未敢遽擬夫亂臣賊子人人得而討

之况法官乎臣不敢輕議也茲欲奉

明命令臣等議處臣敢不竭誠以對伏乞

聖明亮察臣竊思延齡兄弟當

孝宗皇帝朝倚託 皇親勢要威制軍民謀佔田宅

通舟車則害及地方開店舍則利奪商賈此人


所共知也至

武宗皇帝朝 恩寵雖殺富貴血盈驕恣怙終不悛

奢侈僭擬無度亦人所共知也恭惟

皇上釐正 大禮以來于茲九年孝養

昭聖皇太后未嘗一日少間 朝野臣工靡不歡悅





在延齡兄弟亦所自知者矣茲大道公行過惡  
敗露臣伏思延齡其他罪戾猶可道也罪至殺  
人不可宥也昔孟軻氏論瞽叟殺人舜竊負而  
逃漢文帝殺薄昭舅后家也

皇上承 祖宗之統守 祖宗之法况延齡以外戚  
殺人卽曰誅之又孰為不當乎臣又伏思延齡  
過惡俱犯在先朝良由法度寬縱所致誠當  
嚴禁防於今日者也但古人有言曰恩有所  
當加法有所當屈此仁義並用之道也

聖諭云延齡 皇伯考懿親至哉 皇言仁哉

皇心也 孝宗皇帝 獻皇帝親兄弟也


皇上萬一推 獻皇帝友愛之心以全

孝宗皇帝懿親叅之應議律條待延齡以不死亦惟  
在 聖心轉移間而已然於此宜必有處之之  
道焉削其封爵覈其占據田宅悉入之官遠而  
編戍可也為民可也其兄鶴齡容令辭爵較與  
武職亦遠為全避之計至於

仁壽宮左右內侍務更要選謹慎老成以供

昭聖皇太后使令庶免間惑

皇上孝養之誠日益加至如此則 兩宮懽欣交通





九廟之靈無不鑒臨者也此臣區區一得之愚不敢自昧惟

聖明采擇焉臣無任惶悚戰慄之至謹具奏

聞

嘉靖十二年九月十四日

諭張元輔

適卿三人各以免問張延齡爲對夫朕以卿等爲左右大臣必爲我

皇祖保天下以殺逆賊今却說延齡爲

皇伯考懿親夫懿親不過懿親同姓尚處死况懿親

乎又曰事遠人亡又曰死心傷

皇伯母心此言尤非大臣之言其曰事遠人亡卽聶

賢說事未行者同曰死心傷

皇伯母心者夫婦人以夫家而爲家更有何依

皇伯母上配孝廟正宜思感以發其好可也曰傷

心是違尊之以啓私庇而必欲害國也夫今之天下

皇祖之天下天下之天下非今日之君臣所能創立

朕雖弱昧昔奉皇天命承

皇祖統緒不得不爲之祿神器正紀法今如欲不問亦自卿等行之來世必有通賊之毀不必待朕責



也

嘉靖十二年九月十四日

臣張孚敬等謹 題刑日臣等伏蒙

聖諭議處張延齡罪狀臣等遵奉

欽命各以一得愚昧之見上 聞亦惟自盡此心之

誠而已茲蒙

天語切責臣等不勝惶悚之至謹擬票上 請伏乞

聖裁

嘉靖十二年九月十四日

諭內閣

法司會問司昇等事內司聰原不是因打重身死  
張延齡擅用官刑將聰絞死事已屢經訪問本內  
又說事雖未至於有行此何言耶看來聶賢等也  
只怪他不在于早爾卿等務依法擬票來看


嘉靖十二年九月十四日

臣張孚敬等謹 題伏家 發示法司會問張  
延齡招由臣等已各將一得之愚恭進

聖諭允望 聖明亮察臣等之心非有他也欽蒙

聖諭云司聰原不是打重身死張延齡擅用官刑將

聰絞死 聖明所聞委的是實延齡殺人之罪已



無疑矣又

諭云聶賢等說事雖未至於有行此何言耶臣等看得悖逆之事止論謀與不謀不論行與不行

聖明切責誠爲至當但招稱不曾親見延齡分付又參稱家人異謀獄情可疑臣等未敢輕擬謹候聖明詳斷示下臣等乃敢擬票上請謹具題知

嘉靖十二年九月十四日

臣張孚敬謹奏臣因張延齡事情不能積誠上悟聖心罪當萬死萬死伏思他人可委之無言臣受恩深重惟應死報

皇上視臣有手足之親託臣以心膂之寄臣不盡言以發機緘以明是非則臣負恩之罪萬死莫贖矣本月十一日伏蒙

聖諭云延齡皇伯考懿親祇宜守分猶有餘乃包藏禍心謀爲不軌是何道也并所奉

皇伯母傳諭錄示臣等作速議處因法司會同招詞未成不敢輕議十四日伏蒙發示會同招擬臣反覆看得張延齡殺人罪狀已明誠不可宥而謀逆之情未明故以一得之愚上請非以其真有逆情尚敢以孝皇帝懿親請





皇上宥之也隨蒙 聖諭責臣以左右大臣必爲我  
皇祖保天下以殺逆賊同姓尚處死况懿親乎臣伏  
讀無任戰懼之至臣伏思

皇上欲察延齡逆情真與不真行法當與不當請自  
今日在 朝人心觀之也夫延齡兄弟當

孝宗 武宗時朝士多相交往臣時雖未入任竊嘗  
聞之 武宗彌留之際

皇上迎繼 大統未至京師閣臣上託

昭聖皇太后懿旨拏人輒自處斷彼時威權內外已  
震懼矣迨夫

皇上嗣統閣臣等輒敢以

皇上考 孝宗母 昭聖凡在 朝者靡不翁從  
昭聖因自以有擁立之恩以子


皇上爲當然以致

聖母至京莫知所以接見之禮皆臣下謬妄之罪有  
以誤 昭聖也彼時臣初爲進士未嘗受

皇上一命之寄

皇上亦未嘗識臣爲何如人臣只因見得道理之真  
故敢以一人犯天下之怒幸賴

聖明在上裁決不然臣萬死無益也今 朝士恨臣



之心實未嘗一日肯忘每欲相時報復雖

昭聖皇太后之心恐亦未嘗一日忘臣者也嘗人有以斯言告臣者臣答之曰臣子事君惟盡此心之誠若夫成敗利鈍則在乎天而已臣自擔此心至死靡他也今者延齡情發臣觀內外大小臣工俱默然無言雖言官亦無敢言孰是孰非者何也實皆幸


皇上今有此舉以爲采由議 大禮中來得

皇上誅滅延齡家俾 昭聖皇太后不得善終以深皇上之過以爲臣及獻夫陽爲解釋陰爲佐助以重臣二人之罪莫遜於天下後世其設心如此而已特 聖明偶未之察耳臣連日伏思延齡殺人之罪誠不可宥

皇上卽殺之無得而議也其他如臣前議以處鶴齡或置之南京不得畱住京師以滋惑仁壽宮之心臣之愚見盡忠於

皇上者不過如此夫亂臣賊子人人可討之况臣爲左右大臣又受 恩深重者丁設使延齡真有逆謀而臣得見之真卽當首領大議請加

天討而族滅之又敢爲之隱匿自甘 弑叛逆之黨乎



續錄彙編卷一

臣詳招詞所稱曹祖鼓狀有曰八曹抱送六丁六甲及天神護伊之說皆涉妖言

皇上聰明天縱必能察悉孟軻氏曰行一不義殺一不辜而得天下有勿爲也而况誅逆之梟滅人族類臣於延齡此項臆狀實見待未真豈敢妄爲議擬無所可吝而重爲

聖德之累乎臣又思

皇上此等訪據皆未知出於何人或彼一時不思子孫國家憲典重大或出一時報復之私卒難收救

聖明亦必自加察臣又思前次退休山中

皇上召臣催敕內云自卿去後切軫朕思

聖母嗟問者亦數次矣臣伏讀書流涕哽咽臣思

皇上所以思臣

聖母所以數問臣者臣之心豈惟


皇上鑒之

聖母亦鑒之矣茲者天眷聖明誕生皇嗣

國本綿長萬加喜慶或以臣言上聞

聖母亦必欲

皇上寬法以處延齡之家者也誠或不察真情必欲





續金身錄卷一

斷成謀逆之獄則當如律行法族滅張氏矣

昭聖皇太后不知何以處之臣竊恐

皇上之心必有所不安

聖母之心亦所不安者矣臣承

聖明厚恩重託君臣一體休戚相同憂之也深故言

之也切慮之也遠故說也詳伏乞

聖明俯賜加察焉臣無任惶悚戰慄之至謹具奏聞

嘉靖十二年九月十七日

臣張孚敬等謹題伏蒙發下法司會官議

擬張延齡臯狀一本臣等伏思此係生殺

大權臣等不敢輕擬伏乞

聖明裁斷施行

嘉靖十二年十月初日

臣張孚敬等謹題伏蒙發下刑部等衙門

審錄重刑人犯一本臣等看得內馮思秦瑾張

延齡三名所犯固法當處死但臣等於心竊有

所未安者不敢不言伏乞

聖明寬仁緩刑徐議處決臣等不勝懇悃所望之至


謹擬票上請

嘉靖十二年十月二十七日題奉

已錄景后編卷一

十一

陳



聖旨昨有旨催問囚數正爲此二名速決卿堅欲回護秦瑾馮恩且不論張延齡本該坐大逆條律斬之已屈法甚如何執要不死不知留他怎麼說宜明言之

臣張孚敬等謹題今日發下刑部等衙門審錄重刑本臣等非敢爲馮恩等二名罪在可宥但臣等反覆思維死者不可復生斷者不可復續馮恩秦瑾情似可矜且二人俱係論臣等皇過非賴

聖明垂察莫能保全人豈有爲之回護惟

聖明鑒之又延齡殺人罪誠當死但


累朝之待親戚容有當議者故臣等均望緩刑監候徐議非敢有他也伏乞

聖明詳察施行

嘉靖十二年十月二十七日

臣張孚敬等謹題今日午刻臣等伏見錦衣衛一本爲究問郭宗臯事奉

聖旨既問明白著拏在午門前好生打四十棍放了欽此臣等看得郭宗臯妄言奏擾情罪固爲可惡今奉



吉著打四十天氣寒凍誠恐滅命伏乞

聖慈寬減杖數著令爲民臣等不勝恐懼願望之至

謹具題請 旨

嘉靖十二年十月二十七日題奉

聖旨郭宗臯說目前拂意四字必探知朕曾諭內閣說星變一事故曰拂意原是罪惡滅命矣卿等救宗臯只是爲其同耳本都爲張延齡夫延齡生死無甚緊要只平日倚勢殺人心懷不道交納衆多用錢厚結是以門對字樣皆文臣與作令卿等徒知忠於

孝宗重爲 昭聖皇太后慮却不想且同逆惡不忠

於

太祖卽前之議禮一般夫 皇伯母上配

皇伯考入我 皇祖之門外戚私親不干宮闈縱或

爲延齡愛傷亦是私耳卿等敬會曰恐傷


皇伯母之心夫 皇伯母如爲延齡傷心亦思爲

皇伯考傷心否此非朕過卿獻夫曰不知何人導陛

下爲此大德之事夫延齡以

母后親家却要篡位朕殺之法也義也分也何謂失

德今忝尔告人被延齡錢買毒死已不追罪如何





又聖心死怎麼謂之拂意非人臣宜此

臣張子敬等謹題今日臣等冒昧以郭宗臯  
事上請伏蒙

聖諭以及水延齡事情并諭示司馬光論薄昭事  
宜臣守無任恐懼戰慄之至仰惟

皇上所論者祖宗之法也臣等夫復何言但臣等  
之心真非有他也惟

聖明鑒之謹將原帖一紙繳進謹具題以聞

嘉靖十二年十月二十七日

臣張子敬等謹奏為懇請緩刑慎獄以全

聖德事本年九月十一日伏蒙

聖諭令臣等作速議處延齡事情來聞臣等看得張  
延齡謀逆情狀未明不敢輕擬各以一得之愚

上陳伏蒙

聖諭切責無任惶懼臣等敬獻夫各受

恩深重自揣於心又不敢不盡其誠復各論奏伏蒙  
聖慈俯察已將延齡謀逆事情開釋令諸親多官

議奏坐以殺人死辜本月二十七日蒙

發示刑部等衙門審錄重刑人犯一本該臣等具  
奏內馮恩秦瑋張延齡三名所犯固法當處死



但臣等於心竊有所安者不敢不言伏乞

聖明寬仁緩刑徐議處決等因欽奉


御批昨有旨催問囚數正爲此三名速決卿堅欲回護秦堙馮恩且不論張延齡本該坐大逆條律斬之已屈法甚如何要執不死不知雷他怎麼說宜明言之欽此本日又該臣等回奏死者不可復生斷者不可復續馮恩秦瑄情似可矜且二人俱係論臣等罪非賴

聖明垂察吳能保全今豈宜爲之回護又張延齡殺人罪誠當死但累朝之待親戚宥存當議者

故臣等均望 緩刑監候徐議非有他也等因未奉 明示又本日該臣等具奏今日午刻伏見錦衣衛一本爲究聞郭宗臯事奉

聖旨既問明白著拏在午門前好生打四十棍放了欽此臣等看得郭宗臯妄言奏擾情罪固爲可惡今奉 旨著打四十天氣寒凍誠恐減命伏乞 聖慈寬減杖數著令爲民等因欽奉

御批郭宗臯說目前拂意四字必探知朕曾諭內閣說星變一事故曰拂意原其罪惡減命宜矣卿等救宗臯只是爲其同耳本都爲張延齡夫延齡生



死無其要只平日倚勢殺人心懷不道交納衆  
多用錢厚結是以門對字樣皆文臣與作今卿等  
徒知忠於

孝宗重爲 昭聖太后慮却不思甘同逆惡不忠於  
太祖卽前之議禮一般夫 皇伯母上配


皇伯考入我 皇祖之門外戚私親不干宮闈縱或  
爲延齡憂傷亦是移耳卿等敬會曰恐傷

皇伯母之心夫 皇伯母如爲延齡傷心不知亦思  
爲 皇伯考傷心否此非朕過卿等曰不知何  
人道陛下爲此失德之事夫延齡以 母后親家

却要篡位朕殺之法也義也分也何謂失德今奈  
原告人被延齡錢買毒死已不追罪如何又要不  
死怎麼謂之拂意非人臣宜此欽此又蒙

錄示通鑑漢薄昭自殺一條并司馬光斷論臣等竊  
思叨左右之臣受心箝之寄愚誠有未盡者敢  
終默默竊見張延齡之臯法當議親馬恩秦瑾  
之罪情在可矜今一時能感回

聖心實臣等不能積誠所致不職之罪更復何辭又  
古者成獄王三宥然後制刑慎重之至也臣等  
仰惟





皇上好生之德如天地然今廷臣俱不能上體

聖心論輕重之序致其忠愛以盡之臣等之罪為尤

重也伏乞

聖明俯察臣等愚誠平生期於盡忠報主不敢誤

君請於三人之罪更宜緩刑詳加審處不然切恐

皇上他日靜思之餘不忍之心有時而發殆無及矣

勿謂臣等今日勿盡言也為此具本再申懇

之誠臣等不勝恐懼待臯之至謹具奏聞

嘉靖十二年十月二十八日

臣張孚敬謹奏昨日臣等冒昧懇以緩刑張

延齡等愚誠上請方恐懼待罪伏蒙

發下臣等所奏臣等益加恐懼夫生殺大權自

天子出臣等惟盡其愚誠如此可否惟在

聖明俯察裁斷臣等又伏思前日欽承二次

御批詳切明盡如家人父子之相語無任感激又


御批令臣等宜明言之但一時倉卒未盡愚誠雖昨

具奏亦未能盡敢再上瀆音

大禮之議初舉朝臣工咸以恐傷

昭聖皇太后之心為言臣等伏覩禮成之後

皇上母事昭聖孝養聞于天下光于萬世矣茲



宋鈞身名卷下

延齡罪過蒙 聖恩寬法處之止及一身殺之  
誠法也臣等又竊念 國朝有議親之律誓券  
有免死之文今在 朝諸臣未加詳議

皇上固以 祖宗公法望於 昭聖而

昭聖恐未免昵於兄弟私情萬一有向隅之泣  
皇上平時 孝養之心未免為之感動在

聖母之心亦必有所不安者矣且恐天下之人莫能  
家諭而戶曉也又馮恩秦瑄之奏原其設心誠  
孔子所謂惡利口之覆邦家者也非仰賴

聖明在上其孰能容之置之重刑宜也臣等又竊念

皇上自議 大禮明大獄復從 寬法未嘗肯殺

一人 天地好生之德也况馮恩係言官殺之  
恐諍臣因而杜口將來姦宄人無敢言矣秦瑄


一儒士耳嘗作 大禮備辯實欲干進間有一

二已采入 明倫大典作論斷矣昔本求官今  
乃滅命故臣等以二人之罪俱在可矜區區愚

誠惟此而已實非有他也夫疑臣勿任任臣勿  
疑言使臣也忠臣不私私臣不忠言事君也臣

乎敬已嘗為

皇上陳之矣仰惟 聖明推赤心置人腹豈於臣等



復有疑耶臣等若不能開誠心布公道以報

皇上而復有私焉則非人顛矣謹將原奏封進伏乞  
聖明開發下法司再行會官詳擬奏請定奪臣等  
不勝恐懼願望之至謹具奏以聞伏候

勅旨

嘉靖十二年十月二十九日

諭張元輔

今日又得卿等屢愛重囚煩奏自古強臣令君一  
矣夫殺了張延齡張鶴齡必反此朕之待也卿等  
留延齡以伺亦好只是反覆說恐傷


昭聖太后心此意朕實不覺不知是說朕欲傷

昭聖太后否如果是此等說就如罪在朕亦不過是  
平日受恩於

太后家者報私背君耳如曰兄弟之情不知延齡殺  
司聰如父子何恨司昇不是個人今

兩宮並尊一以奉養生身之親人人皆同矧又未曾  
加重以報就如

世廟減一祭此朕不敢豐于禩之意可見矣延齡叛  
國般般可證即殺人用絞刑可類推矣只是事未  
成故凡知道者皆必曰天眷我





皇祖也凡懷二心愛恩張門者皆曰恨不早圖設使延齡幸不知 昭聖太后何居亦不知

昭聖太后曾思及否此甚道耶卿等怎麼又設大禮人倫本然如今卿等敬欲悔已以從廷和歎此本要朕批卿等須自答朕止知殺人必以殺報

嘉靖十二年十月二十九日

臣張亨敬等謹題臣等昨日冒昧二疏以緩刑張延齡事情上請伏蒙

聖諭切責臣等不勝恐懼戰慄之至仰惟皇上執者 祖宗大法也豈臣等之所敢預緣忝

係左右輔弼之臣受國厚恩一得之愚不敢不以上聞以自盡此心而已伏惟


聖明諒察二疏既不蒙俞允止可付該衙門知道已之謹擬票上請

嘉靖十二年十一月初二日

臣張亨敬等謹奏臣等職忝輔導才識庸愚常恐不能效忠報

主有負心簪之託前日冒昧連疏以緩刑張延齡馬恩秦瑾三人事情上瀆 聖聽伏蒙

聖諭切責臣等不勝恐懼自揣於心實由臣等平日不



欽定四庫全書

能積誠盡職一時又煩詞 奏壇委為有罪伏

蒙 聖恩不卽誅斥

特賜諭示諄切臣等益加愧懼連日跼蹐不寧伏望

皇上俯賜包容曲垂矜察臣等不勝戰慄感戴之至

謹具奏 聞

嘉靖十二年十一月初二日

諭張元輔

朕惟不嗜殺人者昌茲刑者九十四囚未免寒途

况 天有春生亦有秋肅而為殺然本非有意而

殺也此者亦是自取亦非法所尋之也朕於近三

載俱停刑今歲生祥始兆雖朕德未庇嗣其實荷

天鑒眷欽戴何窮欲 毋罷之卿等但當承君之意勿

曰某某之幸實非為亂賊而屈刑焉

嘉靖十二年十一月初十日

臣張孚敬等謹 題今日欽奉

聖旨暫罷行刑又伏蒙

聖諭云不嗜殺人者昌仰見

皇上好生之德如 天高然真 帝王之度也又

諭云今歲生祥始兆實荷 天眷此正詩所謂燕及

皇天克昌厥後者也嗣此 大慶豈有窮耶臣



等無任欽仰欣戴之至但臣等庸劣深懼無以  
祇承 德意仰禱

聖化又豈敢爲小人幸實爲天下

宗社幸也臣等不勝欽仰欣戴之至謹具題以 聞

嘉靖十二年十一月初十日

跋

天下稱吾師羅山秦疏尚矣迺論張

皇親三言官石木人也賢嗣尚寶君一日出

示博愛讀兼載拜稽首慶言曰明哉我  
皇上之納諫婉或吾師之進諫

主聖臣直用是益彰可爲天下萬世法迺知焚  
草之論視補牘之見遠矣請梓諸廣示中  
外

嘉靖庚戌春三月門生蒲坂楊博謹跋  
跋

太師張文忠公遭遇奮庸相業烜赫夫人  
所知也而其贊襄密勿巽順幹旋則非夫  
人所能知也余謝事次秦淮公之賢嗣符  
臺君出示茲編屬一言於末簡旡伏讀而  
嘆曰公可謂忠矣公之心至是其曲盡矣





夫人臣之爭君也猶事天也其格君也猶回天也感動轉移之機豈易乎哉公際

聖明諫行言聽真千載一時矣而是編所載則

亦若不無吁咈於都兪之廷者此爲君之所以難而爲臣之所以不易也然終公之

世而

上之所以霽威以從公者則亦既屢矣可見公

積誠之所致而

天聰明之旁燭無私居高聽卑顧人臣之所以事之者何如於乎若公者豈易得哉

嘉靖丙辰夏五月晚學武進薛旂謹跋

廣信府同知鄒 潘


推官方 重校正

臨江府推官袁長馭

上饒學教諭余學申對讀

湖州府後學吳仕日覆訂


紀錄彙編卷之十終







國家圖書館, NATIONAL CENTRAL LIBRARY, TAIWAN, R.O.C.

卷之八十一






國家圖書館, NATIONAL CENTRAL LIBRARY, TAIWAN, R. O. C.







國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

